

元始无量度人上品妙經卷之二十七

紫光丹靈品

道言昔於大丹天中絳華虛歌太玄景土受元始度人紫光丹靈无量上品元始天尊當說是經周迴十過以召十方始當詣座天真大神上聖高真妙行真人紫光丹靈元化大神無鞅數眾乘空而來飛霞浮霄琅輿寶輪玉蓋垂蔭絳雲藹虛五色蒼蔚洞煥太无七日七夜諸天靈關日宮月府騰耀凝輝瑤闕層城通明瑩徹星綱回運五斗舒光九道散飈碧壘交纏寶圓泛景天貫飛烟一國地土川谷林藪緬平一等無復高下土皆變紫瑤無有異色眾真侍座元始天尊玄坐空浮九色寶華丹耀

道藏輯要

度人妙經

太

角集六  
x 81

飛瓊之座說經一徧諸天大聖同時稱善是時一國男女道性開通了悟玄妙說經二徧神府流珍玄泉泛液說經三徧妙範宣微密周眾體說經四徧雙景朝元玉關合會說經五徧洞神應變生化自然說經六徧冲和降繞形極仙真說經七徧靈功遠逮開濟祖先說經八徧天尊身光上騰大羅下降九淵長夜停悲寒宮罷對說經九徧鬼官考吏升補仙階說經十徧三界之下一切眾生皆見紫光丹靈之道是時一國是男是女莫不傾心皆受護度咸得長生

道言是時元始天尊說經一徧東方无極无量品青元大神無鞅之眾浮空而至說經二徧南方无極无量品太丹大神無鞅

之眾浮空而至說經三徧西方无極无量品皓素大神無鞅之  
眾浮空而至說經四徧北方无極无量品玄光大神無鞅之眾  
浮空而至說經五徧東北无極无量品鎮靈大神無鞅之眾浮  
空而至說經六徧東南无極无量品流飈大神無鞅之眾浮空  
而至說經七徧西南无極无量品神金大神無鞅之眾浮空而  
至說經八徧西北无極无量品天垣大神無鞅之眾浮空而至  
說經九徧上方无極无量品圓羅大神無鞅之眾浮空而至說  
經十徧下方无極无量品冲妙大神無鞅之眾浮空而至十徧  
周竟十方无極紫光丹靈大神一時同至一國男女傾心歸仰  
各相謂言我初聞經卽悟神丹真氣灌鍊合體通明微妙道範  
道藏輯要

度人妙經

九

角集六  
又三

永證仙真來者有如繁星積霧飛雲細塵無鞅之眾迺國一半  
土皆徧陷非可禁止於是元始懸一寶珠大如黍米在空玄之  
中去地五丈元始登引天真大神上聖高尊妙行真人十方无  
極紫光丹靈大神無鞅數眾俱入寶珠之中天人仰看惟見勃  
勃從珠口中入旣入珠口不知所在國人廓散地還平正無復  
欹陷元始卽於寶珠之內說經都竟眾真監度以授於我當此  
之時喜慶難言法事粗悉諸天復位倏歛之間寂無遺響是時  
天人遇值經法普得濟度全其本年無有中傷傾土歸仰咸得  
至真養氣養神養元養精養志養妙養慧養形養生養性光華  
被體靈丹告成齊同慈愛異骨成親國安民豐欣樂太平經始

出教一國以道預有志心奉禮恭敬皆得度世

道言元始天尊說經中所言並是諸天上帝內名隱韻之音亦是上真內諱列聖之隱名也誦詠之者紫光內映丹靈輔魂王丹舖飼太一降真非世之常辭上聖已成真人通玄究微能悉其章誦之十過諸天遙唱萬帝設禮合景升玄丹靈捧雲內化日月俠侍星辰羣魔束形鬼精滅爽回屍起死白骨成人至學之士誦之十過則五帝侍衛三界稽首魔精喪眼鬼祇滅爽濟度垂死絕而得生所以爾者學士穢氣未消體未洞真以制十方威未制天政德可伏御地祇束縛魔精但感丹光度形而已不能更生輕誦此章身則被殃供養尊禮門戶興隆世世昌熾

道藏輯要

度人妙經

十

角集六  
X之

與善因緣萬災不干神明護門斯經尊妙獨步玉京度人無量爲萬道之宗巍巍大範德難可勝

道言凡誦是經十過諸天齊到心丹自靈紫光保身億曾萬祖幽魂苦爽皆卽受度上升朱宮格皆九年受化更生得爲貴人而好學至經功滿德就皆得神仙太一玉丹賜兆長生飛升金闕遊宴玉京也上學之士修誦是經知覺性明元命歸神玉丹潛符紫光騰凌皆卽受度飛升南宮世人受誦則丹津自生流注胎神延壽長年後皆得作屍解之道魂神暫滅不經地獄卽得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天

而傳輕泄漏慢殃及九祖長役冥官侍經五帝玉童玉女各三十二人營衛神文保護受經者身

道言正月長齋誦詠是經紫光丹靈陽德度冥玉丹九回七世成眞爲上世亡魂斷地逮役度上南宮七月長齋誦詠是經紫光丹靈眞道歸體能屈能伸身得神仙諸天書名黃籙白簡削死上生十月長齋誦詠是經紫光丹靈太一授書玉丹護眞爲國王帝主君臣父子安鎮國祚保天長存世世不絕常爲人君安鎮其方民見太平八節之日誦詠是經紫光丹靈鑪開八門鼎有九宮大一爲尊得爲九宮眞人本命之日誦詠是經紫光丹靈悟兆元命得爲眞人魂神澄正萬氣長存不經苦惱身有

道藏輯要

度人妙經

三

角集六  
××××

光明三界侍衛五帝司迎萬神朝禮名書上天功滿德就飛升  
上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐紫赤黃三色雲氣之中內外蒼冥有青龍白虎朱雀玄武獅子白鶴羅列左右頂上紫光內有太一玉丹赤光如日大如彈丸捧在神雲之內日月照明洞煥室內頂生圓象光映十方如此分明密呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人闕啟所言今

日吉慶長齋清堂修行至經无量度人願所啟上徹徑御  
无上三十二天元始上帝至尊几前畢

引炁三十二過東向誦經

道藏輯要

度人妙經

三

角集六

王一天師清微弟子共百經製作

道教學術資訊網站

元始无量度人上品妙經

元始洞玄靈寶本章紫光丹靈上品妙首九轉度人太一隱韻  
玉丹自然混洞赤晶華元上真生育天地造化羣靈太有玄宮  
耀光彌綸開導九淵交絡天根太一蔚微萬物生神熒熒丹景  
圓照通明外連四虛包含玉嬰元始大劫五緯流形是爲靈瑞  
紫極高深鬱嶽蕭山太上玄京上通圓曜瑤闕飛精神連廣庭  
昌玉純英方臨帝初元化開生太微明堂青霞碧城安鎮十方  
貫氣八冥下連列宿降妙羣星巍巍上帝安坐玉垣中有紫陽  
大範之真中有光飛玄極之君中有丹華符應元君中有靈通  
上妙真人中有開天化氣司生司育九微八道皇老尊神丹靈  
道藏輯要 度人妙經 三 角集六  
上範宸極度人載天持地列聖開生共宣洪化度劫回津今日  
降鍊萬神臨軒

東方无極紫光丹靈神王長生大聖无量度人  
南方无極紫光丹靈神王長生大聖无量度人  
西方无極紫光丹靈神王長生大聖无量度人  
北方无極紫光丹靈神王長生大聖无量度人  
東北无極紫光丹靈神王長生大聖无量度人  
東南无極紫光丹靈神王長生大聖无量度人  
西南无極紫光丹靈神王長生大聖无量度人  
西北无極紫光丹靈神王長生大聖无量度人

上方无極紫光丹靈神王長生大聖无量度人  
下方无極紫光丹靈神王長生大聖无量度人

十方至真紫光丹靈神王長生度世无量大神並乘紫光飛雲  
丹霞寶輿綠環神輦方蓋圓輪驂駕白虎綠鳳丹鸞建八元神  
節明鸞羽幡前列三天大仗後從朱陽萬兵鬱單玉真遊空步  
虛三師啟塗九仙捧轅億乘萬騎浮空而來領光回駕錫丹度  
生統仙丞相太極元宮九垣玉輔皇老大神執簡持章齊會帝  
宸俯闋教科下頒幽局變化梵氣周流五行隨所飛奏開導諸  
天普告神州仙境靈鄉洞天福地海嶽河源三元曹局九淵化  
城關紐綱維閭風崑崙瑤闕三眞玄華帝臺劫仞彌羅大經玉  
輪元皇詔命時刻飛升開度先祖受對苦魂逍遙解脫隨光上  
賓玉眸鍊質素輝蕩形上登流火仙變生身合景太霄與運長  
存因緣輪轉劫劫無傾永斷哀凶勝伏尅害之厄超凌玉虛受  
化洞陰過度生關飛神絳垣之天天帝洞丹無色之境梵行

道藏輯要

度人妙經

卷

角集六

東方八天

旌房簡宮天

帝伯弓思臧

慶德昭符天

帝正車燕良

用靈希祕天

帝契岸孔沖

求玄絜聞天

帝持時明

和陽開華天

帝招仙圖休

勝穆問宗天

帝叔洪蘊都

降華極光天

帝規童倚賢

寵猷清儀天

帝梁部央畸

南方八天

紹經師濟天

帝靜敷樂襄

火洞薦隆天

帝勅陀除魔

耀神司丙天

帝華魂錄靈

特靜淪化天

帝確啟紋嵩

康聖廣明天

帝謁通俟會

極陽遠靈天

帝將維卑光

道藏輯要

度人妙經

三

角集六

純修至感天

帝兆用無兼

杳冥普居天

帝黨南式回

西方八天

光遼慈息天

帝蒙擊還俅

神耀總靈天

帝顓多鄰洙

碧萼璇珍天

帝鐸妙田并

定籍朱宮天

帝胡堂祕公

虎章考錄天

帝阿韓呂全

太無真首天

帝儲能捨祇

錄皇寂根天

帝淪仲息完

平虞夙野天

帝資緣景班

北方八天

玄晨昌化天

帝獨勤王

真極康庸天

帝離文逸恭

備神息尤天

帝釋乾次開

道覺遊靈天

帝奠玄池侖

瑤虛漢霞管真天

帝達匪報祥

霄墟歷皇紫光天

帝略淵詞臯

文欽哲員天

帝格涂玄

昌都萬華秀宗天

帝冒嘉龍周

道藏輯要

度人妙經

三

角集六  
川名

三十二天三十二帝諸天隱諱諸天隱名天中空洞自然靈章  
太一隱韻丹靈之音丹靈之尊紫光之神紫光玉垣正憲丹靈  
六運十飛變化九清无量隱妙神不可量敷落三華普度天人  
太一玉丹化育生民民有元命寶丹之靈奕奕紫光入體生真  
以劫爲晝生滅無輪授書玉臺招真命神今日欣慶受度歷試  
萬天請滅種惡斷絕胎根飛運五行上列太冥御省注籍紀功  
仙官真王監察過度天門東斗保生西斗降神南斗注籍北斗  
化精中斗混合紫光丹靈青帝順行白帝司金赤帝炎耀黑帝  
主成黃帝立極正氣交并化生寶丹九道鬱凝青霞神王覺除  
虛開赤霞神王孟都昌期白霞神王玉光凌采黑霞神王紫扉

密回黃霞神王金鄰靈晞五方神王萬氣之宗佐天丹靈飛行  
九宮持幢仗節遊化高空紫光赫奕列聖齊功上天濟生開度  
北酆神王受命掃蕩不祥青龍左持白虎右張朱雀前驅玄武  
後防四象纏結丹符洞章擲火流鈴揮擊十方敢有妖魅千我  
黃房玄鉞斬滅天吏定刑屠割鬼爽風火飛騰千千馘首萬萬  
誅形魔無考試鬼無妖精三元九司嚴校雲營不容怠縱飛章  
奏呈普告三界諸地八冥九宮玄師列言太清

靈符大籙太上真文三光妙氣浩劫生成崑崙玄嶽巨液之明  
開張玄化火耀金升赤白既顯元神鬱凝天廓澄高覆周九冥  
太一王境爲丹之靈上連下接非色非淵風轉至陰虛動神源

道藏輯要

度人妙經

毛

角集六  
×××××

源神合道植立億天天上天下泛景浮沉元光浩蕩玉極無形  
溟滓太一玄丹赤明皇運金華景晶彌綸宣布洪京元始瑤篇  
赤書寶符合氣成仙安制九方使命長延梵氣騰飛包絡交纏  
紫光散分爲緯爲經元風流演三十六門輪轉太虛周結生根  
旋紐歷綱回度飛輪六十九氣總御三元二景冥符氣降玄泉  
玄泉太真帝道洪軒八威萬華安鎮綿綿七關四維與天齊并  
絳霄鬱單輝映無傾皇一三帝大洞徊風伯史育嬰千景玄童  
千交萬和自然成真真中有神萬境居尊紫光真人丹天上靈  
長生大帝青華玉君太一務猷司命無英白元赤子制魄拘魂  
桃康台延布氣營精執冊運關保度天民上遊清微內居琳瑯

太極寶洞大經明堂下鎮人身六府五宮中理百神混合飛空  
十詠洞章與氣俱仙道貴真丹紫光度人神鑪八門運天三輪  
陳羅禁戒宿化因緣咸獲開濟無量生身身得受生舉形上升  
升入玉垣俾各應丹靈大勳羣魔吟詠謠音九華隱篇辭參高  
真

第一紫光丹靈飛空之音

天谷靈泉

真光絳煙

飛霞挹芒

雲周九淵

回遶崑崙

萬景合仙

升騰紫虛

灌鍊交纏

妙有空無

降氣玄丹

玄丹化生

無極真關

道藏輯要

度人妙經

天

角集六

九道神輝

下燭酆山

真功昭著

開度七玄

采輝登晨

飛升玉駟

金華變體

遊行八騫

永超神府

大福綿綿

第二紫光丹靈仙王之章

天垣玉霞

九和育嬰

丹章上道

宸極珠英

太華大寶

化爲玉京

玄元祖範

紫光煥明

人有元象

中藏至精

變化冲妙

升入皇甯

元始真氣

肇立生根

青琅丹碧

徊水王晶

濯羅結璘

絳天奔星

周旋三景

流飛火鈴

蕩蕩帝氣

巍巍劫城

雙元合應

大朴構形

普天安鎮

億劫無傾

第三紫光丹靈真王歌曰

金闕啟靈扉

眞光遍諸天

萬仙集帝宮

鳴鐘謫飛煙

一唱召萬神

再歌來眾眞

茫茫化八圓

珠樓竦琳庭

太上攝千精

元始命伯華

令奔紫晨輝

長生引眞牙

妙範祕玄嶽

碧落回雲霞

端坐九霄中

道藏輯要

度人妙經

元

角集六  
川三八

天墉羅九門

日月列其傍

下有層雲屯

紫光化丹靈

驂駕舞龍輶

自然玉清帝

瓊岳請元尊

宣布玉丹道

太一天皇文

普使諸天境

悟玄爲種民

設此大法梁

正憲永流行

此三界之上飛空之中眞王歌音音參洞章誦之百徧名度南  
宮誦之千徧眞王保迎萬徧道備飛升太空過度三界位登仙  
公有聞靈音眞王敬形勅制地祇侍衛送迎拔出地戶五苦八  
難七祖升遷永離北陰魂度朱陵受鍊更生是謂無量普度無  
窮有祕上天文諸天共所崇泄慢墮地獄禍及七祖翁

道言此二章並是諸天上帝及紫光丹靈隱祕之音能知太一玉丹爲已元命存而保之不使陰穢邪妄昏觸返歸心源紫光照燭逆知彊名寓於心相非心非神非丹非靈玄關脫畧悟而得道既得道已卽心卽神卽丹卽靈生死往還並無所礙天宮上境遂性遊嬉謂之真人亦曰神仙七祖飛升逍遙億劫皆是大梵之言非世上常辭言無韻麗曲無華宛故謂玄奧難可尋詳上天所寶祕於高上神霄玉清王府東室寶藏之內依科三萬七千年運應下傳若有至人齋金寶質心依舊格告盟十天然後而付焉

道言夫天地運度否終日月五星虧盈至聖神人休否末學之

道藏輯要

度人妙經

三

角集六  
X 6 X

夫疾傷凡有此災同氣皆當齊心修齋六時行香十徧轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法則泥丸中太一諱重冥空字幽寥無吐玉丹之英返兆生氣魂神經上南宮隨其學功計日而得更生輪轉不惑便得神仙

道言夫天地運終星宿錯度日月失輝四時失度陰陽不調國境有災疫毒流行兆民死傷師友命過同氣災殃皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量善度天人

道言凡有是經能爲天地帝主兆民行是功德有災之日發心  
修齋燒香誦經十過皆諸天記名萬神侍衛右別至人克得爲  
聖君金闕之臣諸天記人功過毫分無失天中真王亦保舉爾  
身得道者乃當洞明至言也

諸天中大梵隱語无量音

道君譚

元始紫光丹靈玉篇

東方八天

乙羅刹賓

虔踞恆微

祕裝則泯

高牙輦綏

仗毅秦役

瑤真元岐

洞嶽勅玉

珎卿簡瓌

幽流互曾

道藏輯要

度人妙經

三

角集六  
リ々々

越田正催

頗惟澤柄

推察冥稽

趙品逸鐸

梁辭變機

郝完賜鈞

洪延伯龜

南方八天

品慈盈菌

憂和淩京

燕翳洛巔

祝勿幻平

離皇遠寅

欽輪夷恆

旦奏屏約

車塗石局

道辯驛別

熙都索明

慶備河汜

奚梅趙眞

記益膏彌

烏靈交兵

赤旃胡陀

摩求默瀉

西方八天

教飛瓊格

歷本日箕

論仁明席

延闈次鈞

長儀並敷

閭披江薰

祕露忽漠

餘棠已門

察落正梵

依畢嵯紳

勤哀曜比

杓範交并

闡第委媚

斗紐升行

君支陽微

隕作常呈

北方八天

關師時昌

聯將易蕭

碧斷幽根

霞激邊毫

原趨遲曷

季學明刀

道藏輯要

度人妙經

三

角集六  
川文八

政霜堅濤

杞南惟商

漸胙華敵

晶焰求興

丁羌把房

族英猷卿

緣冥使裔

焦昂步汀

兌臨其雱

爵述撩靈

道言此諸天中大梵隱語无量之音舊文書高上神霄玉清王  
府紫光丹靈之閣金門左扉之上以盟諸真亦傳東極宮中已  
成真人者使知妙道字皆廣長一丈天真皇人上真道君昔書  
其文以爲正音有知其音能齋而誦之者諸天皆遣飛天神王  
下觀其身書其功勤上奏諸天萬神朝禮地祇侍門大勳真王  
保舉上升道備克得遊行三界升入金門此音無所不辟無所

不禳無所不度無所不成天真自然之音也故誦之致大魔下  
觀上帝遙唱萬神朝禮三界侍軒羣祆束首鬼精自亡琳琅振  
響十方肅清河海靜默山嶽吞烟萬靈振伏招集羣仙天無氛  
穢地無祲塵冥慧洞清大量玄玄也

道藏輯要

度人妙經

三

角集六

正一天師清微弟子共百堅製作

道教學術資訊網